

ՀԻՇՍԱԿԻ ԽՈՍՔ

ԹԲԻԼԻՍԻՆ ՀՐԱԺԵՆՏ ՏՎԵՑ «ՄԻՄԻՆՈՅԻՆ»՝ ՎԱԽՏԱՆԳ (ԲՈՒՔԱ) ԿԻԿԱՔԻՁԵՒՆ



Հունվարի 14-ին, 84 տարեկան հասակում մահացավ երգիչ, դերասան, ռեժիսոր, սցենարիստ, Վրաստանի ժողովրդական արտիստ, միջազգային փառատոների և պետական մրցանակի դափնեկիր Վախտանգ (Բուբա) Կիկաքիձեն:

Մեծ, միշտ ջերմությամբ ու առանձնակի սիրով խոսել նրանց մասին: Վախտանգ Կիկաքիձեն բարեկամական սերտ հարաբերություններ ուներ «Վրաստան» թերթի տարբեր սերունդների աշխատակիցների հետ և պատահական չէր, որ պարբերականի մեկնարկային հոբելյանին իր պարտքը համարեց առաքել շնորհավորական ուղերձ, որտեղ համրաճանաչ երգիչ-դերասանը գրում էր.

«Չէ, իրոք միայն Սոլոլակ ու Հավլաբար, Մթածմինդա ու Էլիա, Դոլաբաուր թաղամասեր ունեցող Թբիլիսիում կարող էր ոչ պետական լեզվով լույս տեսնող թերթը նշել իր առաջին համարի լույսընծայման մեկնարկային հոբելյանը, եւ միանգամից ասեմ, որ այդ կապակցությամբ անկեղծորեն հպարտ եմ: Հպարտ եմ, քանի որ անձամբ ինձ համար էլ «Վրաստանը» շատ սիրելի ու հարգատ է:

Գուցե դա նրանցից է, որ թերթի մասին շատ եմ իմացել Վրաստանի իմ հայ բարեկամներից, Մթածմինդայի թաղամասի իմ հարեւաններից: Գուցե նաեւ նրանցից, որ Ֆրունզիկին առնչվող իմ հիշողությունների մասին առաջին անգամ հարցազրույց ունեցա «Վրաստանի» հետ: Եվ ընդհանրապես, «Վրաստանի» հետ միշտ սերտ կապ եմ ունեցել: Սակայն պատճառը կարելի է, կարելի էր այն է, որ Վրաստանում «Վրաստանը» նշում է 100-ամյա հոբելյանը»,- գրել էր Վախտանգ Կիկաքիձեն:

Վախտանգ (Բուբա) Կիկաքիձենի հուղարկավորեցին հունվարի 19-ին: Նրա աճյունը դուրս բերեցին Թբիլիսիի ֆիլիարմոնիայի մեծ համերգասրահից և կտակի համաձայն հուղարկավորեցին «Վերայի» գերեզմանատանը՝ ընտանիքի անդամների՝ մոր՝ Մանանա Բագրատիոնու և տիկնոջ՝ Իրինա Բեբաձեի կողքին:

Վախտանգ (Բուբա) Կիկաքիձեի հոգեհանգստին և հուղարկավորությանը մասնակցեցին Վրաստանում Հայաստանի արտակարգ և լիազոր դեսպան Աշոտ Սմբատյանը, Հայաստանի մշակույթի, կրթության, գիտության և սպորտի փոխնախարար Արայիկ Խզմալյանը, Երեւանի Օպերայի և բալետի թատրոնի երաժշտական ղեկավար Կարեն Դուրգարյանը, երեւանցի ճանաչված նկարիչ Մայիս Մխիթարյանը, Թբիլիսիի Պ.Աղամյանի անվան պետհայրամայի թատրոնի գեղարվեստական ղեկավար Արմեն Բայանդուրյանը, «Վրաստան» թերթի գլխավոր խմբագիր Վան Բայբուրջյանը, Վրաստանի հայ գործարարների միության նախագահ Սամվել Աղեկյանը, Վրաստանի խորհրդարանի նախկին պատգամավոր Գիվի Շուգարովը:

«Վրաստան» թերթի խմբագրությունը մեծ ցավ է ապրում մեր պարբերականի մեծ բարեկամ, հանրաճանաչ երգիչ, դերասան, ռեժիսոր ու սցենարիստ Վախտանգ (Բուբա) Կիկաքիձեի մահվան կապակցությամբ և իր ցավակցությունն է հայտնում լեզբնդար գործչի հարգատներին, բարեկամներին ու մերձավորներին:



Աջից՝ Վրաստանում Հայաստանի դեսպան Աշոտ Սմբատյանը, Վրաստանի մշակույթի փոխնախարար Իրակլի Գիվիաշվիլին, Հայաստանի մշակույթի փոխնախարար Արայիկ Խզմալյանը Վախտանգ Կիկաքիձեի հոգեհանգստին:

ՃԱՎԱԿՈՒԹՅՈՒՆՆԵՐ ՎՐԱՅԱԿԱՆ ԷՍՏՐԱԴՅՈՒՆ ԵՎ ԿԻՆՈՅԻ ԿՈՆՈՐԻՏԻ ՄԱՇՎԱՆ ԿԱՊԱԿՈՒԹՅԱՄԲ

ԻՐԱՎԼԻ ԴԱՐԻՔԱՇՎԻԼԻ - Վրաստանի վարչապետ. «Ցավում եմ վրացի ականավոր արտիստ, դերասան և երգիչ Բուբա Կիկաքիձեի մահվան կապակցությամբ:

Մեր երկրի շատ սերունդների համար նրա՝ որպես դերասանի անունը կապվում է շատ սիրելի կերպարների հետ, որոնք անցել են ժամանակի փորձությունը և դեռ երկար կուրախացնեն հանդիսատեսին:

Ցավակցում եմ նրա ընտանիքին, հարազատներին ու ընկերներին»:

ՍԱԼՈՍԵ ԶՈՒՐԱՔԻՇՎԻԼԻ - Վրաստանի նախագահ. «Ցավով եմ ընկալում վրացական մշակույթի հայտնի գործիչ Բուբա Կիկաքիձեի մահը:

Նրա ստեղծագործությունն ու արվեստն առանձնահատուկ հետք են թողել բազմաթիվ երկրպագուների սրտերում: Ցավակցում եմ ընտանիքին, ընկերներին ու հարազատներին»:

ՇԱԼՎԱ ՊԱՊՈՒԸՇՎԻԼԻ - Վրաստանի խորհրդարանի նախագահ. «Վրաստանի խորհրդարանի անունից ցավում եմ ականավոր վրացի ու Վրաստանի խորհրդարանի անենատարեց պատգամավոր Բուբա Կիկաքիձեի մահվան կապակցությամբ: Վրաց ժողովուրդը տասնամյակներ շարունակ սիրում է նրա կերպարներն ու երգերը, և այդ սերը դեռ շատ տասնամյակներ կջերմացնի մեր սրտերը: Ցավակցում եմ նրա ընտանիքին ու հարազատներին»:

ԿԱԽԱ ԿԱԼԱՉԵ - Թբիլիսիի քաղաքապետ. «Ցավ եմ ապրում վրացի հայտնի կինոդերասան, սցենարիստ, սիրված երգիչ Բուբա Կիկաքիձեի մահվան կապակցությամբ:

Մեծ է Բուբա Կիկաքիձեի ներդրումը կինեմատոգրաֆիայի և վրացական էստրադայի զարգացման գործում: Նա բազմաթիվ մրցանակների դափնեկիր էր, բայց գլխավորը հանդիսատեսին ու ունկնդիրներին թողած մեծ սերն է:

Ես կհստում եմ Բուբա Կիկաքիձեի ընտանիքի, նրա ընկերների, վրացական մշակույթի ներկայացուցիչների սրտի ցավը»:

ԻՐԱՎԼԻ ԿՈՒՐԱՆԻՉԵ - «Վրացական երազանք» կուսակցության նախագահ. «Խոր վիշտ եմ ապրում Բուբա Կիկաքիձեի մահվան կապակցությամբ:

Բուբա Կիկաքիձեն, որպես ականավոր կինոդերասան և երգիչ, վաստակել է մարդկանց առանձնահատուկ սերը:

Ցավակցում եմ Բուբա Կիկաքիձեի ընտանիքի անդամներին, ընկերներին ու հարազատներին, բոլոր նրանց, ովքեր գնահատում են նրա աշխատանքը»:

Հայաստանի վարչապետ ՆԻԿՈԼ ՓԱՇԵՆՅԱՆԻ ցավակցական հեռագիրը Վրաստանի վարչապետ Իրակլի Գաբրիաշվիլուն՝ Վախտանգ (Բուբա) Կիկաքիձեի մահվան կապակցությամբ:

«Չեղբ գերազանցություն, խոր ցավով տեղեկացա Վախտանգ Կիկաքիձեի մահվան մասին: Ցավակցում եմ Կիկաքիձեի ընտանիքին, նրա հարազատներին և բարեկամ վրաց ժողովրդին: Կիկաքիձեի թողած ժառանգությունը հավերժ կմնա մշակույթի պատմության մեջ՝ յուրօրինակ կերպով մարմնավորելով հայ և վրացի ժողովուրդների բարեկամությունը»:

ՈՂԲԵՐՈՒԹՅՈՒՆ

ՎԵՐԵԼԱԿԻ ԱՆՍԱՐՔՈՒԹՅՈՒՆԸ՝ ՍԱՐԳԻՍՈՎ-ՈՍԿԱՆՅԱՆ ԱՄՈՒՄԻՆՆԵՐԻ ՄԱՅՎԱՆ ՊԱՏՃԱՌ

Հունվարի 14-ին, Թբիլիսիի Վազիստանի թաղամասի 9-րդ մասնաշենքում, վերելակի անսարքությունը դարձավ երիտասարդ ամուսիններ՝ Արման Սարգիսովի և Արմինե Ոսկանյանի մահվան պատճառ:

Ականատեսների վկայությամբ, երբ վերելակի դուռը բացվել է կանչով, վերելակը եղել է այլ հարկում: Տղամարդը ինքնաբերաբար ներս է մտել բաց դռնով և ընկել հորը, կինը փորձել է դուրս քաշել նրան, բայց երկուսին էլ ջախջախել է վերելակը, որն անսպասելի սկսել է աշխատել: Երկուսն էլ երիտասարդ էին՝ 34 և 32 տարեկան: Փրկարարները դուրս են բերել մահացածների դիակը: Որբացավ նրանց չորսամյա որդին:

«Վրաստանը» կապվեց Վազիստանի թաղամասի 9-րդ մասնաշենքի «Մեգոբորբա 2008» ընկերության նախագահ Գարիկ Սիմոնյանի հետ:

- Տեղի ունեցածը զարհուրելի է, ցավոք, պատահարի մասին տեղեկացա ուշացումով: Ասեմ, որ վերելակի անսարքության վերաբերյալ շենքի բնակիչների կողմից ահազանգեր չեն եղել, թեպետ, ժամանակ առ ժամանակ, դրանց աշխատանքը ստուգվում էր: Անկեղծ ասած, որոշակի տարակուսանք է հարուցում այն, որ Սարգիսովների բնակարանը շենքի ութերորդ հարկումն է, իսկ վերելակի կոճակը Արմանը սեղմել էր վեցերորդ հարկում:

Ինչ վերաբերում է Սարգիսով ամուսիններին, ապա նրանք, իրենց 4-ամյա որդու հետ, երեք տարի է, ինչ ապրում էին այս շենքում: Բավական երկար ժամանակ



Բնակարանը վերանորոգում էին: Համեստ ընտանիք էր, Արմանը եղբոր՝ Ռոմայի հետ, որքանով տեղեկացված եմ, աշխատում էր էլիայի թաղամասում գտնվող ատամնաբուժական կլինիկայում,- ասաց Գարիկ Սիմոնյանը:

Տեղի ունեցած ողբերգական պատահարից հետո, քաղաքապետարանն ընունեց որոշում կարճ ժամանակում անցկացնել մայրաքաղաքի բարձրահարկ շենքերի վերելակների մոնիտորինգ, առավել ևս, տեղի ունեցածից անհանգստացած, Թբիլիսիի բազմահարկ շենքերի

ՀՐԱԶԳՈՒԹՅՈՒՆ՝ ՍԱԳԱՐԵԶՈՅՈՒՄ

Հունվարի 20-ի գիշերը Սագարեջոյում, Վրաստանի զինված ուժերի նախկին զինծառայող, 1974 թվականին ծնված Ն.Գ.-ի կողմից բնակարանի պատշգամբից սկսած հրաձգության արդյունքում զոհվել է 5 և վիրավորվել է ևս 5 քաղաքացի, վիրավորներից մեկի կիճակը ծանր է:

Հանցագործը ինքնասպանություն է գործել: - Սա շատ լուրջ դեպք է: Ցավակցում եմ ընտանիքներին: Հինգ մարդ է մահացել: Ցավոք, այդ թվում՝ մեր աշխատակիցներից մեկը: Հինգը վիրավոր են, նրանցից մեկը ծանր վիրավոր է:

Քաղաքացին տնից սկսել է ավտոմատից կրակել: Նրա որդին՝ չափահաս տղան, տանն էր: Կրակել սկսել է պատշգամբի մի կողմից, ապա՝ մյուս, - նշել է Վրաստանի ներքին գործերի նախարար Վախտանգ Գոմեյալովին:

Նրա խոսքով, հարձակում մեջ մեղադրվողը 2006-2021 թվականը ծառայել է Վրաստանի զինված ուժերում:

- Օպերատիվ տեղեկությունների համաձայն, նա աշխատել է 2006 թվականից, դուրս է եկել 2021 թվականին: Եղել է նաեւ ԱՖՊԱՍՏԱՆՈՒՄ, - ասել է նախարարը և հավելել, որ հատուկ ջոկատայինները մեղադրյալին մահացած են հայտնաբերել:

ՀԱՐՑ - ՊԱՏԱՍԽԱՆ ԱՅԼԱԶԱՆ ԽՈՐՀՈՒՐԴՆԵՐ

ԳԻՏՏՔ, ԱՐԴՅՈՔ...

«ՌԹՎԵԼԻՆ», ԽԻՆԿԱԼԻՆ, ԾԻԲՈՆ... ՈՉ ՆՅՈՒԹԱԿԱՆ ՄՇԱԿՈՒԹԱՅԻՆ ԺԱՌԱՆԳՈՒԹՅՈՒՆ

Թերթերում եւ հեռուստատեսությամբ շատ են գրում եւ խոսում ոչ նյութական



մշակութային ժառանգության մասին: Օրինակ, իմացել եմ, որ հայկական լավաշին, ապուխտին, վրացական սացիվին...

ԹԲԻԼԻՍԻ

Բառացիորեն օրերս, Վրաստանի մշակութային ժառանգության պաշտպանության ազգային գործակալության գլխավոր տնօրեն Նիկոլոզ Ազնաուրաշվիլին, համապատասխան հրամանով, ոչ նյութական մշակութային ժառանգության ցանկը ընդլայնել է, ներառելով ոչ միայն առանձին ուտեստները, այլեւ ավանդույթներն ու ծիսակարգերը:

Մասնավորապես ոչ նյութական մշակութային ժառանգության հուշարձանի կարգավիճակ շնորհվել է Վրասկան ցորենի մշակույթին, Գելաթիի գիտությունների ակադեմիայի ավանդույթին, «Բերքահավաքի ավանդույթին» («ռթվելի»), Մցխեթական կարկանդակ պատրաստելու ավանդույթին եւ դրա մշակութային համատեքստին, Մեսխեթական խոհանոց՝ ապուխտի, ծիբոն եւ ապուխտիի խինկալի պատրաստելու ավանդույթին, «Բաթոն» ինֆեկցիոն հիվանդության հետ կապված ծիսական գործողություններին (երգեցողությամբ բուժում) եւ այլն:

ԻՐԱՎԻՃԱԿ

ԻՆՉՊԵՍ ՅԱՇՏԵՑՆԵԼ...



Այս Ամանորը որոշակի բարդությունների առաջ կանգնեցրեց: Սեղանի շուրջ բարեկամներս վիճեցին, իսկ հիմա իրար հետ չեն էլ խոսում: Զգիտեմ, ինչպես վարվել ցանկանում եմ հաշտեցնել՝ չէ՞ որ հասարակած փաստ է ինչպես դիմավորես փարին, այնպես էլ՝ այն կշարունակվի:

Կանոնում եմ հաշտեցնել՝ չէ՞ որ հասարակած փաստ է ինչպես դիմավորես փարին, այնպես էլ՝ այն կշարունակվի: Դ. ԿԱՐԱՊԵՏՅԱՆ Բոլնիսի

Հոգեբան Արամ Մանուկյանը, նման դեպքերում, խորհուրդ է տալիս, որ պետք չէ ամեն ինչ այդքան արտին մոտ ընդունել: Մի՛ մոռացեք, որ ցանկացած տարվա ավարտին եւ նոր տարվա շեմին՝ բոլորի մոտ կուտակվում է հոգնածություն, մարդիկ նյարդայնանում են... եվ ահա, ընդհանուր հոգնածությունը վերաճում է կենցաղային վեճի: Սակայն հավասարացնում ենք, որ ձեր պարագայում դա ժամանակավոր բնույթ ունի եւ լուրջ հետեւանքներ չի ունենա:

Թեպետ, եթե ցանկանում եք իրավիճակի շուտափույթ կարգավորում, ապա կարող եք վիճող կողմերին հաշտեցնել՝ հիշեցնելով նրանց այն ընդհանուր բարին, որն անհնար է ջնջել հիշողությունից: Այնպես որ, գործեք, տարին առջեւում է:

ԽՈՐՀՈՒՐԴ

ՈՐՊԵՏՅԻ ԴԻՄԱՊԱԿԻՆ ՉՍԱՌՉԻ

Եթե մեքենայում չունեք դիմապակու տաքացուցիչ, ապա ձմռան համար պատրաստ ունեցե՛ք քացախի ու ջրի լուծույթ՝ 3:1 հարաբերակցությամբ: Մեքենան կանգնեցնելուց առաջ՝ մաքուր կտավով լուծույթը դրսից քսեք դիմապակու: Հավատացե՛ք, նույնիսկ ցանկացած սառնամանիքի դեպքում, դիմապակին ձեր մեքենայում չի ծածկվի սառցե շերտով:



ԻՆՉՈՒՒ ԵՆՔ ՏՈՆՈՒՄ ՀԻՆ ՆՈՐ ՏԱՐԻՆ

Ետեւում մնացին Ամանորի, Սուրբ Ծննդյան, ինչպես նաեւ Հիմ Նոր տարվա տոները: Եթե առաջին երկուսի կապակցությամբ, կարծես, ամեն ինչ պարզ է, ապա Հիմ Նոր տարվա ավանդույթը որոշակի տարակուսանք է առաջացնում: Դրանում համոզվեցինք, երբ խմբագրության փոստով ստացանք մեր ընթերցողների նամակները, որտեղ բարձրացվում է Հիմ Նոր տարվա թեման՝ թե ինչպես է ծագել այդ ավանդույթը, եւ ինչո՞վ է այն հիմնավորված:

Հունվարի 13-14-ը, ավանդույթի համաձայն, նշում ենք Հիմ Նոր տարին: Այս տոնը փոքրիշատե ավելի հանգիստ է, նրան բնորոշ չէ այն իրարանցումը, որը Նոր տարվա ամխուսափելի ուղեկիցն է: Հիմ Նոր տարին պատմական զարմանալի իրադարձություն է, լրացուցիչ տոն, որը ծագել է թվարկությունների փոփոխության արդյունքում: Օրացույցների վերոնշյալ տարբերության պատճառով՝ մենք Նոր տարին նշում ենք երկու անգամ՝ Հիմ եւ Նոր թվարկությամբ: Այսպիսով, մեզանից յուրաքանչյուրին տրվում է հնարավորություն՝ ըստ ցանկության նշել սիրելի տոնը: Այսպիսով, հիմ Նոր տարին նշվում է հունվարի 13-ից 14-ը, եւ ինչը համարվում է, որ այն համապատասխանում է Հուլյան օրացույցին կամ, այսպես կոչված, «Հիմ թվարկությանը»: Ուստի, համարվում է, որ Նոր տարին ուժի մեջ է մտնում հունվարի 14-ից:



ամիս, ապա նորը, կենդանակերպի 12 աստղաբույլերի պատճառով, դարձավ 12: Բոլոր կենտամիսները ունեին 31, իսկ գույգերը՝ 30 օր:

Օրացույցի հաջորդ փոփոխությունն իրականացվեց Օգոստոս կայսեր օրոք, եւ փոփոխությունը վերաբերում էր ութերորդ ամսվա անվանափոխությանը: Օգոստոս ամսին օրն ավելացնելու նպատակով այն վերցվեց փետրվարից: Հենց դրանով էր պայմանավորված, որ նախանշ տարիներին փետրվար ամսում հաշվվում է 29, իսկ սովորական տարիներին՝ 28 օր: Այդ փոփոխությունն ուժի մեջ մտավ մեր թվարկությունից առաջ՝ 14 թվականին:

Օրացույցների ձեւավորումը, այսինքն ավելի քան 6 հազար տարի առաջ: Եհյտ է, այդ ժամանակ տոնը հեթանոսական էր: Մարդիկ երկրպագում էին Արեւին՝ որպես գլխավոր աստվածության: Հուն մարդիկ գտնում էին, որ Նոր տարին սկսվում է բնության նորացումից, այսինքն գարնանամուտին: Հենց այդ պատճառով Հիմ Հռոմում Նոր տարին նշում էին մարտի 1-ին, եւ այդ կարգը պահպանվեց բավական երկար՝ շուրջ 700 տարի, մինչեւ այն ժամանակ, երբ Հուլիոս Կեսարը մեր թվարկությունից առաջ անցկացրեց օրացույցային բարեփոխումը: Այն մենք անվանում ենք Հուլիան: Հուլիոս Կեսարը, էլնելով զուտ պետական մտածելակերպից, հայտարարեց, որ Հռոմը հիմնվել է հունվարի 1-ին, ուստի, Նոր տարվա տոնը մարտի 1-ից տեղափոխեց հունվարի 1-ը: Հուլիան օրացույցի հիմքում դրվել է կենդանակերպի աստղաբույլերով Արեւի տարեկան շարժման սկզբունքը: Եթե հիմ օրացույցում ներառված էր տարբեր

Հենց այդ ժամանակ էլ, առաջիկա մի քանի հարյուրամյակների համար, սահմանվեցին Նոր տարվա տոնակատարության ծեսերը: Օրացույցի հաջորդ բարեփոխումն անցկացվեց 16-րդ դարում, երբ փոփոխությունը կապված էր Հուլիան օրացույցի եւ Արեգակնային օրացույցի միջեւ տարվա հաշվարկով առկա 11 րոպե 14 վայրկյանի տարբերությանը: Վերոնշյալ հանգամանքից էլնելով, ապացուցվեց, որ մի քանի հազարամյակների ընթացքում, Հուլիան օրացույցը բնության օրացույցից բավական ետ է մնացել: 1583 թվականի փետրվարի 24-ին հրապարակվեց Հռոմի Պապի «Kalendarium gregorian perpetuum» (Գրիգորի «Հավիտենական օրացույց») կարգադրությունը: Նշենք, որ նոր Գրիգորյանական օրացույցը անմիջականորեն ներդրվեց եվրոպայի կաթոլիկական բոլոր երկրներում, ժամանակի ընթացքում այն ընդունեցին նաեւ բողոքական եւ ուղղափառ եկեղեցիները:

ԱՆԵԿԴՈՏՆԵՐ
- Ինչպե՞ս ես կարողանում անընդհատ վիճել կնոջը հետ, միաժամանակ խորապես հարգել զոնքանջիդ:
- Ուղղակի ժամանակին միայն այդ կինն էր կտրականապես դեմ մեր ամուսնությանը:
- Փողոցով քայլող տղամարդը՝ նայելով առջեւում գնացող կնոջը.
- Երանի իմ կինն ունենար մեծ հոբելան, երանի իմ կինն ունենար մեծ հոբելան, երանի իմ կինն ունենար մեծ հոբելան...
- Փողոցով քայլող տղամարդը՝ նայելով առջեւում գնացող կնոջը.
- Գիտես, սիրելի՛ս, որը ճանապարհին քո մասին էի մտածում:
- Կինը՝ տղամարդուն.
- Թանկագինս, սեքսը միայն հարսանիքից, ամուսնանալուց հետո:
- Հարց չկա, ամուսնացիր, հետո կհանդիպենք:
- Փողոցով քայլում է մի եմբաստան: Անցողներից մեկը նրան հարցնում է.
- Ո՞ր ես գնում:
- 2-ն կարող ասել, ռազմական գաղտնիք է:
- Իսկ ի՞նչ ես տանում:
- Փամփուռները պահեստ են տանում:

ԹԵՎԱՎՈՐ ՄՏՔԵՐ

Դուք, որ ցանկանում եք թագավոր դառնալ, արժանի թագուհի ընտրեք ձեզ համար:
Կանանցից խնդրեք միայն այն, ինչ նրանք կարող են տալ:
ԲԱՐԲԵ ԴԸ ՕՐԵՎԻԼՅՈՒ
Որտեղ կա սեր, այնտեղ կա Աստված:
ԼԵՎ ՏՈՒՍՏՈՅ
Ով սիրահարված կին չի տեսել, նա չի կարող ասել, թե ինչ է կինը:
ԳՅՈՒԹ
ԹԲԻԼԻՍԻ
Կանացի բնագոյն արժի մեծ մարդկանց կանխատեսությանը: Ով ընդունակ է կառավարել կնոջը, նա ընդունակ է պետություն կառավարելու:
ՕՏՈՐԵ ԴԸ ԲԱԼԶԱԿ
Եթե մարդիկ սկսում են գովել հարեւաններին, ակնհայտ է, որ պատրաստվում են վաճառել բնակարանը:
Ա. ՄՈՐԻՍՅԱՆ
«Վրաստանի» ընթերցող

ՀԱՅԱՍՏԱՆ. Փաստեր, իրադարձություններ

«ՎՐԱՍԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ՆՅՈՒԹԵՐՈՎ

ՀԱՅԱՍՏԱՆ-ՆԱՏՕ. ՔՆՆԱՐԿԿԵՑԻՆ ԵՐԿԿՈՂՄ ՀԱՄԱԳՈՐԾԱԿՑՈՒԹՅԱՆ ԵՎ ՀԱՐԱՎԱՅԻՆ ԿՈՎԿԱՍՈՒՄ ՏԵՂԻ ՈՒՆԵՑՈՂ ԻՐԱԴԱՐՁՈՒԹՅՈՒՆՆԵՐԸ

Հունվարի 18-ին Հայաստանի վարչապետ Նիկոլ Փաշինյանը հանդիպում ունեցավ Կովկասում եւ Կենտրոնական Ասիայում ՆԱՏՕ-ի Գլխավոր քարտուղարի հատուկ ներկայացուցիչ խավիեր Կոլոմինա Պիրիսի հետ:

Հանդիպմանը կողմերը քննարկեցին Հայաստան-ՆԱՏՕ համագործակցությանը, ինչպես նաեւ Հարավային Կովկասում տեղի ունեցող գործընթացներին վերաբերող հարցեր:

Վարչապետն անդրադարձավ Ադրբեջանի կողմից Լաչինի միջանցքի արգելափակման հետեւանքով Լեռնային Ղարաբաղում ստեղծված հումանիտար իրավիճակին:

ՆԱՏՕ-ի Գլխավոր քարտուղարի հատուկ ներկայացուցիչը մտահոգություն հայտնեց Լաչինի միջանցքի արգելափակման հետեւանքով ստեղծված իրավիճակի կապակցությամբ եւ կարելու-

րեց միջանցքի անխափան գործունեության ապահովումը: Խավիեր Կոլոմինան հավելեց, որ ՆԱՏՕ-ն շահագրգիռ է տարածաշրջանում կայունության եւ խաղաղության ապահովմամբ եւ իր աջակցությունն է հայտնում այդ ուղղությամբ միջազգային գործընկերների կողմից ներդրվող ջանքերին:



Հանդիպմանը գրուցակիցները քննարկեցին նաեւ երկուստեք հետաքրքրություն ներկայացնող այլ հարցեր:

ՀԱՅԱՍՏԱՆԻ ՆԱԽԱԳԱՅԻ ԱՇԽԱՏԱՆՔԱՅԻՆ ԱՅՑԸ ԷՄՏՈՆԻԱ



Հունվարի 15-ին, Հայաստանի նախագահ Վահագն Խաչատուրյանը, աշխատանքային այցով գտնվում էր Էստոնիայում:

Այցի շրջանակներում՝ Վահագն Խաչատուրյանը հանդիպումներ ունեցավ Էստոնիայի նախագահ Ալար Կարիսի, ի ն չ պ ե ս նաեւ Էստոնիայի վարչապետի եւ Ռիյդիկոգուի՝ խորհրդարանի խոսնակի հետ, այցելեց Տալլինի տեխնոլոգիական համալսարան եւ e-Estonia բրիֆինգ կենտրոն, հանդիպում ունեցավ նաեւ Էստոնիայի հայկական համայնքի ներկայացուցիչների հետ:

Հայաստանի նախագահ Վահագն Խաչատուրյանը եւ Էստոնիայի նախագահ Ալար Կարիսը՝ Էստոնիայի նախագահի նստավայրում տեղի ունեցած հանդիպումների արդյունքներն ամփոփեցին զանգվածային լրատվամիջոցների ներկայացուցիչների համար հայտարարություններով, որտեղ կողմերը վերահաստատեցին միջպետական հարաբերությունները խորացնելու երկուստեք պատրաստակամությունը:

Հանդիպմանը բարձր է գնահատվել երկու երկրների միջեւ տարբեր ուղղություններով ձեւավորված սերտ համագործակցությունը: Քննարկվել է մասնավորապես՝ բարձր տեխնոլոգիաների, տիեզերագնացության, առևտրատնտեսական ոլորտներում կապերի սերտացմանն առնչվող հարցերի լայն շրջանակ:

Կողմերն անդրադարձել են նաեւ անվտանգային եւ տարածաշրջանային նշանակության հարցերի, ընդգծել կայուն եւ երկարատեւ խաղաղության հաստատման կարևորությունը:

ՀԱՅԱՍՏԱՆԻՑ ՈՐՈՇ ԱՊՐԱՆՔՆԵՐԻ ԱՐՏԱՅԱՆՈՒՄԸ ԺԱՄԱՆԱԿԱՎՈՐԱՊԵՍ ԿԱՐԳԵԼԿԻ

Հայաստանի կառավարությունը ընդունել է Հայաստանից մի շարք ապրանքների արտահանման ժամանակավոր արգելք կիրառելու վերաբերյալ որոշում:

Որոշման ընդունումը պայմանավորված է Հայաստանի համար կարելու նշանակություն ունեցող ապրանքի (անմշակ կաշի) արտահանումը սահմանափակելու, տեղական արտադրությունը պաշտպանելու եւ հումքային բազայով ապահովման, ինչպես նաեւ Հայաստանի մշակող արդյունաբերության ոլորտի գործունեությունը խթանելու անհրաժեշտությամբ: Հայաստանի կառավարությունը քայլեր է ձեռնարկում երկրորդային հումքը տեղում վե-

րամշակելու եւ տեղական արդյունաբերական ձեռնարկություններին, սեփական արտադրությունները օգտագործելով, անմշակ կաշվե արտադրանքը զարգացնելու հնարավորություն ընձեռելու ուղղությամբ:

Ներկայումս Հայաստանում կաշվի վերամշակման գործունեություն իրականացնող տեղական արդյունաբերական ընկերություններն ունեն կաշվի հումքի պահանջարկ, եւ հումքային բազայի հնարավորությունները դեռեւս ոչ

ամբողջական հզորությամբ են օգտագործվում: Կատարված ուսումնասիրությունները ցույց են տալիս, որ, մինչեւ կաշվի արգելքի սահմանում, տեղական կաշվի հումքի վերամշակումից ստացված արտադրանքի ծավալը կազմել է մոտ 34 մլն դրամ, իսկ կաշվի հումքի վրա արտահանման արգելքի սահմանումից հետո, ընկերությունների կողմից վերամշակվող տեղական կաշվից ստացվող արտադրանքի ծավալն աճել է 5-6 անգամ՝ կազմելով մոտ 206 մլն դրամ:

Արգելքը կգործի 6 ամսով՝ մինչեւ 2023 թ. հուլիսի 20-ը:

ՈՂԲԵՐԳԱԿԱՆ ՊԱՏԱՅԱՐ՝ ԳԵՂԱՐՔՈՒՆԻՔԻ ՄԱՐԶԻ ԱԶԱՏ ԳՅՈՒՂԻ ՏԱՐԱԾՔՈՒՄ ԳՏՆՎՈՂ ԶԻՆՎՈՐԱԿԱՆ ԿԱՑԱՐԱՆՈՒՄ

Հունվարի 19-ին, ժամը 01:30-ի սահմաններում, դեռեւս չչարգված հանգամանքներում, հրդեհ է բռնկվել Գեղարքունիքի մարզի Ազատ գյուղի տարածքում տեղակայված ԳԳ ՊՆ N գործնասի ինժեներասակրավորային վաշտի կացարանում:

Չնայած դեպքի վայրում ծավալվել են հրդեհաշիջման աշխատանքներ՝ հրդեհի հետեւանքով կան զոհեր ու վիրավորներ:

Հրդեհի հետեւանքով զոհվել է 15 զինծառայող, եւս

երեք զինծառայող վիրավորվել է, որոնց վիճակը ծանր է:

Հայաստանի պաշտպանության նախարարության գործնասի կացարանում 15 զինծառայողի մահվան հանգեցրած հրդեհի դեպքով՝ նախա-

ծեռնվել է քրեական վարույթ:

- Դեպքի առիթով նախաձեռնվել է քրեական վարույթ՝ Հայաստանի Հանրապետության քրեական օրենսգրքի 532-րդ հոդվածի 4-րդ մասով, այն է՝ շրջապատի համար վտանգ ներկայացնող նյութերի հետ վարվելու կանոնների խախտում, որն անզգուշությամբ առաջացրել է 2 եւ ավելի անձի մահ: Դեպքի վայրում են գտնվում քննչական խմբի

անդամները, որոնք ողջ գիշեր աշխատել են: Ներգրավվել են նաեւ փորձագետներ եւ կա նախնական վարկած, որ հրդեհը տեղի է ունեցել ջեռուցման հետ կապված հարցում անվտանգության կանոնների խախտման պատճառով: Դա նախնական վարկած է, որն այս պահի դրությամբ հիմնավորվել է՝ հայտարարեց Քննչական կոմիտեի նախագահ Արգիշտի Քարամյանը:

ՀԱՅԱՍՏԱՆՈՒՄ ՕՏԱՐԵՐԿՐՅԱ ԶԱՎԱԶԱՅԻՆԵՐԻ ԱՇԽԱՏՆԵՐԻ ՀՆԱՐԱՎՈՐՈՒԹՅՈՒՆՆԵՐԸ ԿԵՆՎԱՅԵՎԵՆ

Հայաստանում օտարերկրյա քաղաքացիների համար աշխատանքի հնարավորությունները կընդլայնվեն: Հայաստանի Ազգային ժողովը ընդունել է «Օտարերկրացիների մասին» օրենքում լրացում կատարելու մասին օրենքի նախագիծը:

Ըստ օրենքի լրացման, այսուհետ օտարերկրյա քաղաքացիներին կտրվի հնարավորություն աշխատել ոչ միայն օտարերկրյա կազմակերպության ներկայացուցչությունում, այլ նաեւ՝ մասնաձյուղում:

ԵՎՐԱՍԻՈՒԹՅԱՆ ՊՏՏՐԳՎԱԿԱՆ ՆՈՐ ԱՆՍՏՆՈՒԹՅՈՒՆԸ ՀԱՅԱՍՏԱՆՈՒՄ

Եվրամիությունը մտադիր է մեկ ամսից դիտորդական նոր առաքելություն ուղարկել Հայաստան, այս անգամ ոչ թե երկու ամսով, այլ՝ առնվազն երկու տարով:

Դեռ անցած շաբաթ այս նախագիծն ընդունվել է Եվրոպական խորհրդի Քաղաքական ու անվտանգության հանձնաժողովում, ապա՝ հաստատվել դիտորդական առաքելություններով զբաղվող հիմնական կառույցում ձգնաժամերի կառավարման քաղաքացիական հարցերի հանձնախմբում: Ընդ որում, ի տարբերություն անցած հոկտեմբերին ուղարկված քառասուն հոգանոց խմբի, որը տեղակայվել էր հայ-ադրբեջանական սահմանին, այս անգամ եվրոպացի դիտորդները պարեկություն կանեն Հայաստանի ողջ տարածքում: Նախորդ առաքելության նման, այս անգամ էլ նրանք անգն կլինեն: Թե կոնկրետ քանի դիտորդ է ժամանելու, պաշտոնապես դեռ չի հայտարարվում:

ՄԱՐՏԻ 1-ԻՑ ԵՐԵՎԱՆՈՒՄ ԿՈՐՔՈՐԱԿՆԵՆ ՄԱՆ ԱՎՏՈՐՈՒՄՆԵՐ

Մարտի 1-ից Երեւանում երթուղի դուրս կգան MAN ավտոբուսները:

Հունվարի 18-ին Եվրամիության դեսպան Անդրեա Վիկտորինը, ՎՋԲԲ Երեւանյան ներկայացուցչության ղեկավար Զորջ Ախալկաչյի, Եվրոպական հանձնաժողովի ներկայացուցիչ Դեյվիդ Քալքնի եւ Երեւանի առաջին փոխքաղաքապետ Լեւոն Հովհաննիսյանի հետ, այցելեց ավտոբուսների հավաքակայան եւ փորձնական երթուղով փորձարկեց նոր ավտոբուսի հարմարավետությունը Երեւանի փողոցներում:

Վ. ԳՈՒՍԻ ՀԱՅ ԳԱՏԻՐԱՐԵՐ ԱՆԳՐԱՆԻԿ ԱՅՅԸ ԵՐՈՒՄԱԿԵՆ

Հունվարի 18-ին Վ. Պուլսի հայ պատրիարք Ն.Ա.Տ. Սահակ արք. Մաշայանն առաջին անգամ պաշտոնական այց է կատարել Երուսաղեմ՝ Սուրբ Երկրում մասնակցելու Քրիստոսի Ծննդյան եւ Աստվածահայրնության տոնին:

ԱՆԵՍԱՆՎՐ ԳԵՏԲԱՎՈՎԸ՝ ՀԱՅԱՍՏԱՆԻ ՏՈՒՏՐՈՒ ՀԱՎԱԶԱԿԱՆ ՄԱՐԶԻ

Հունվարի 14-ին, Հայաստանի ֆուտբոլի ֆեդերացիայի Գործադիր կոմիտեի նիստում, Ուկրաինայի հավաքականի նախկին գլխավոր մարզիչ, 66-ամյա Ալեքսանդր Պետրակովը նշանակվեց Հայաստանի հավաքականի գլխավոր մարզիչ:


Ալեքսանդր Պետրակովը մարզել է Ուկրաինայի տարբեր տարիքային հավաքականներ: Նրա գլխավորած Ուկրաինայի U-19 հավաքականը 2018 թվականին դուրս է եկել Եվրոպայի առաջնության կիսազրգափակիչ, իսկ 2019-ին Ուկրաինայի մինչեւ 20 տարեկանների ազգային հավաքականը, Պետրակովի գլխավորությամբ, դարձել է Աշխարհի մինչեւ 20 տարեկանների առաջնության չեմպիոն:



ԵԿԵՂԵՑԱԿԱՆ

23.01.2023 Սուրբ Կիրակոսի, Որս մոր՝ Դուրդիտայի հիշատակության օր

ՀՈՒՆՎԱՐ



թյան պահը: Համաձայն Հայ Եկեղեցու վարդապետների, Առաջավորաց Պահքը հաստատել է Սբ. Գրիգոր Լուսավորիչը: Այս պահի Առաջավորաց կոչվելու վերաբերյալ կա երկու մեկնություն.

29.01.2023 Բարեկենդան Առաջավորաց Պահք

Հատուկ է միայն Հայ Եկեղեցուն: Սկսվում է Մեծ Պահքից 3 շաբաթ առաջ: Պահանջվում է խիստ պահեցողություն: Առաջավորաց Պահքի խորհուրդը հեթանոսական ապականությունից մարդկային 5 զգայարանների սրբումն է: Այդ պատճառով է Առաջավորաց Պահքը կոչվում է նաև փրկու-

կու մեկնություն. Ա. իբրև կարապետ Մեծ Պահքի, Բ. իբրև Հայոց առաջին պահեցողություն: Առաջավորաց Պահքը թյուրիմացաբար անվանվել է նաև Սբ. Սարգսի պահք, քանի որ Առաջավորաց Պահքին հաջորդող շաբաթ օրը Հայ Եկեղեցին տոնում է Սբ. Սարգսի տոնը:

ԹԵՃ ԳԻԾ

ԲՈՒՐԻՆ ԱՆՀՐԱԾԵՑ ՇԵՌԱՍՈՍԱԶԱՄԱՐՆԵՐ

- Շտապ բժշկական օգնություն - 112
Պարեկային ոստիկանություն - 112
Հրշեջ-փրկարար ծառայություն - 112
Պահակային ոստիկանություն - 125
Գլխավոր տեսչություն - 126
Տեղեկատու բյուրո - 118 08
Քաղաքապետարանի թեժ գիծ - 272-22-22
Առողջապահության նախարարության թեժ գիծ - 15-05
Ժողովրդական պաշտպան - 299-58-98, 292-24-79
Մարդու իրավունքների պաշտպանության կենտրոն - 14-81
«Թբիլիսի Էներջի»-ի տեղեկատվական ծառայություն - 114, 240-40-40
«Վարկեթիլաիրի»-ի տեղեկատվական ծառայություն - 227-50-40
ԹԵԼՄԻԿՈՒ-ի թեժ գիծ - 16 700, (+995 32) 5 000 777
Ջրամատակարարման թեժ գիծ - 293-11-11
Կոյուղու վթարային ծառայության թեժ գիծ - (593) 50-42-52
Օդանավակայանի տեղեկատվական բյուրո - 231-03-41, 231-04-21
Երկաթուղային կայարան - 1331, 2199010
Դիդուբեի «Օկրիբա» ավտոկայարան - (599) 74-73-73

ՇՆՈՐՀԱՎՈՐՈՒՄ ԵՆՔ

ԱՐՏԵՄ ԱԶԻՐՈՎԸ՝ 100 ՏԱՐԵԿԱՆ

Լրացավ վաստակաշատ թբիլիսցի Արտեմ Ազիրովի 100-ամյակը:

Երկրորդ աշխարհամարտի մասնակից Արտեմ Ազիրովը, 1945 թվականից Թբիլիսիում տնտեսական, հասարակական եւ քաղաքական ակտիվ գործունեություն է իրականացրել: Տարբեր պաշտոններ է զբաղեցրել ներքին գործերի նախարարության համակարգում, Թբիլիսիի տրամվայ-տրոլեյբուսի վարչությունում, եղել է Թբիլիսիի 26 կոմիտարների անվան շրջկոմի հրահանգիչ, երկրորդ քարտուղար, Վրաս-

տանի կոմկուսի Կենտկոմի կազմակերպչական բաժնի վարիչի տեղակալ, Թբիլիսիի Հոկտեմբերյան շրջկոմի առաջին քարտուղար: Ընտրվել է Վրաստանի Գերագույն խորհրդի 9-րդ եւ 10-րդ գումարումների պատգամավոր: Ներկայումս ապրում է Մոսկվայում: «Վրաստան» թերթը շնորհավորում է վաստակաշատ թբիլիսցի Արտեմ Ազիրովին մեկդարյա հրեյանի առթիվ, մարդուն առողջություն, բարեկեցություն:



ԶԳՈՒՇԱՑԵՔ

ԿԱՐԱԿՈՒՄԻ ԱՎԱԶԱՓՈՇՈՒ ԶԱՆԳՎԱԾՆԵՐԸ ՀԱՍԱՆ ՆԱԵՎ ՎՐԱՍՏԱՆ...



Ինչպես տեղեկացրել է Վրաստանի բնապահպանության ազգային գործակալությունը, հունվարի 18-ից, Վրաստանի առանձին տարածաշրջաններում, մայրաքաղաքում, մթնոլորտային օդում վավերացվել է փոշու մասնիկների (PM10, PM2.5) ավելացում, ինչը, ամենայն հավանականությամբ, պայմանավորված է Կենտրոնական Ասիայի Կարակում անապատում փոշու զանգվածների տարածման հետ:

Վրաստանի բնապահպանության եւ գյուղատնտեսության նախարարությունը, բնապահպանության ազգային գործակալության հետ միասին, շարունակում է մթնոլորտային օդի վերահսկողությունը:

ՄԻՋԱԶԳԱՅԻՆ ՃԱՆԱՉՈՒՄ

ԹԲԻԼԻՍԻԻ ԵՎ ԲԱԹՈՒՄԻ ՕԴԱՆԱՎԱԿԱՅԱՆՆԵՐԻՆ ՏՐԿԵԼ Է «ՕԴԱՆԱՎԱԿԱՅԱՆԻ ԱՌՈՂՋՈՒԹՅԱՆ ՀԱՎԱՏԱՐՄԱԳՐՄԱՆ» ՎԿԱՅԱԿԱՆ

Թբիլիսիի միջազգային օդանավակայանին՝ Երրորդ, իսկ Բաթումիի միջազգային օդանավակայանին՝ երկրորդ անգամ, տրվել է ACI «Օդանավակայանի առողջության հավատարմագրման» վկայական:

Օդանավակայանների միջազգային խորհրդի (ACI) կողմից տրված «Օդանավակայանի առողջության հավատարմագրման» վկայականը օդանավակայանում իրականացվող առողջապահական միջոցառումների եւ ընթա-

ցակարգերի միջազգային չափանիշներին համապատասխանության ճանաչումն է:

«Օդանավակայանների միջազգային խորհրդի (ACI) օդանավակայանի առողջության հավատարմագրման» ծրագիրը հաստատում է, որ Թբիլիսիի եւ Բաթումիի միջազգային օդանավակայաններն ապահով միջավայր են ապահովում ուղևորների համար՝ ACI-ի եւ ICAO-ի առաջարկություններին համապատասխան:

Վրաստանում Հայաստանի Հանրապետության արտակարգ եւ լիազոր դեսպան Աշոտ Սմբատյանը եւ դեսպանության ողջ անձնակազմը, «Վրաստան» թերթի խմբագրությունը իրենց ցավակցությունն ու վշտակցությունն են հայտնում դեսպանության իրավաբան-խորհրդատու Մարինա Ռուբենի ԽԱՉԱՏՈՒՐՈՎԱՅԻ վաղաժամ մահվան կապակցությամբ եւ ցավակցում հանգուցյալի ընտանիքի անդամներին, հարազատներին ու մերձավորներին: Հոգեհանգստի եւ հրաժեշտի արարողությունը կկայանա այսօր՝ հունվարի 21-ին, ժամը 13:00-ին, Թբիլիսիի Սուրբ Եջմիածին եկեղեցու:



Table with 6 columns and 10 rows containing numbers 1 through 58.

Large advertisement for VRASTAN newspaper with contact information and subscription details.

Advertisement for 'ՎԱՆ ԲԱՅՔՈՒՐԹՅԱՆ' (Vand Baykhourthyanyan) newspaper.

Advertisement for VRASTAN newspaper with contact information.

Advertisement for 'ՅՐԱՆԻՍՏԱՆ' (Yranistan) newspaper.